



অবিলম্বে প্রকাশের উদ্দেশ্যে: 2/6/2023

গভর্নর ক্যাথি হোকল

গভর্নর হোকল অর্থবছর 24 এর নির্বাহী বাজেটের অংশ হিসেবে সেন্ট্রাল নিউ ইয়র্কে কর্মসংস্থান সৃষ্টি এবং অর্থনীতিকে বলীয়ান করার পরিকল্পনার বিস্তারিত ঘোষণা করলেন

অর্থনৈতিক বিকাশ, আবাসন সরবরাহ বৃদ্ধি, উচ্চতর শিক্ষা সমর্থন করার জন্য এতে থাকছে 80 মিলিয়ন মার্কিন ডলারের বেশি

এছাড়াও থাকছে নতুন সেমিকন্ডাক্টর সম্প্রসারণ, ব্যবস্থাপনা ও সমন্বয় অফিসের মাধ্যমে মাইক্রন বিনিয়োগ ও অন্যান্য সেমিকন্ডাক্টর শিল্পখাতের বিকাশের জন্য 45 মিলিয়ন মার্কিন ডলার প্রশাসনিক ও পরিচালনা সমর্থন

গভর্নর ক্যাথি হোকল আজকে সেন্ট্রাল নিউ ইয়র্কে কর্মসংস্থান সৃষ্টি এবং অর্থনীতিকে বলীয়ান করার জন্য তার অর্থবছর 2024 এর নির্বাহী বাজেট থেকে মুখ্য প্রস্তাবনাসমূহের বিস্তারিত ঘোষণা করলেন। 2023 স্টেট অফ দ্য স্টেটের (State of the State) সাথে সঙ্গতি রেখে, এই অঞ্চলে আবাসন সরবরাহ বৃদ্ধি করতে এবং অর্থনৈতিক সুযোগ ও উদ্ভাবন সম্প্রসারিত করতে বাজেটে একটি মুখ্য বিনিয়োগ অন্তর্ভুক্ত করা হয়েছে। যার মধ্যে আছে ওনন্ডাগা কমিউনিটি কলেজের (Onondaga Community College) জন্য 36 মিলিয়ন মার্কিন ডলার, স্থানীয় কর্মীবাহিনী ও অর্থনৈতিক বিকাশ উদ্যোগসমূহের জন্য 11 মিলিয়ন মার্কিন ডলার, নতুন 15তম ওয়ার্ড সরকারি আবাসন প্রকল্পের জন্য 10 মিলিয়ন মার্কিন ডলার এবং স্টেট ফেয়ার এবং স্থানীয় পার্কসমূহের জন্য 26 মিলিয়ন মার্কিন ডলার। এছাড়াও গভর্নর হোকল 45 মিলিয়ন মার্কিন ডলার ঘোষণা করেছেন গভর্নরের সেমিকন্ডাক্টর সম্প্রসারণ, ব্যবস্থাপনা ও সমন্বয় অফিসের (Governor's Office of Semiconductor Expansion, Management and Integration, GO SEMI) জন্য, যা সেন্ট্রাল নিউ ইয়র্কে একটি নতুন মেগাফ্যাবের জন্য এবং নিউ ইয়র্কের সেমিকন্ডাক্টর শিল্পখাতে আরো বিস্তৃত প্রয়াসের নেতৃত্বদানের জন্য মাইক্রনের (Micron) ঐতিহাসিক 100 বিলিয়ন মার্কিন ডলার বিনিয়োগের সময় তাদের প্রশাসনিক ও পরিচালনা সমর্থন প্রদান করবে।

"এই বিনিয়োগগুলি সিরাকিউজ ও সেন্ট্রাল নিউ ইয়র্ককে আরো সমৃদ্ধশালী, সাশ্রয়ী ও বসবাসযোগ্য করতে আমাদের গতিবেগের উপর ভিত্তি করে হচ্ছে," **গভর্নর হোকল বলেন।** "আবাসন, শিক্ষা ও অর্থনৈতিক বিকাশে নতুন, আরো গভীর প্রতিশ্রুতিসহ আমাদের বাজেটটি মাইক্রনের বিনিয়োগকে কাজে লাগিয়ে আরো বেশি নিউ ইয়র্কবাসীর জন্য নতুন সুযোগ তৈরি

করবে এবং আমি সেন্ট্রাল নিউ ইয়র্কের জন্য এই ভিশনকে বাস্তবে পরিণত করতে স্থানীয় নেতৃবৃন্দের সাথে কাজ করতে উন্মুখ।"

গভর্নর হোকলের আজকে ঘোষিত বাজেট প্রস্তাবনাসমূহের অনেকগুলিই অতীষ্ট বিনিয়োগ, ব্যবসা সমর্থন এবং দ্রুত বর্ধনশীল শিল্পখাতসমূহের উদ্দেশ্যে করা অন্যান্য কর্মসূচির মাধ্যমে নিউ ইয়র্ক স্টেটজুড়ে অর্থনৈতিক সুযোগ ও উদ্ভাবন বৃদ্ধি করে চাকরি ও ব্যবসার বিকাশের জন্য 2023 স্টেট অফ দ্য স্টেটে ঘোষিত [অর্থনৈতিক উদ্ভাবন পরিকল্পনার \(Economic Innovation Plan\)](#) সাথে সঙ্গতিপূর্ণ। এছাড়াও গভর্নরের বাজেটে রয়েছে উচ্চতর শিক্ষায় বিনিয়োগ এবং স্টেটজুড়ে স্থানীয় আকর্ষণসমূহ উন্নত করতে একাধিক উদ্যোগ। সেন্ট্রাল নিউ ইয়র্কের জন্য, পরিকল্পনায় রয়েছে:

- সিরাকিউজে নতুন 15তম ওয়ার্ড সরকারি আবাসন প্রকল্পের জন্য 10 মিলিয়ন মার্কিন ডলার, যা বহু-বছরের 12 ধাপের প্রকল্পটির প্রথম তিনটি ধাপের নির্মাণকে সমর্থন করবে।
- শহরের ক্ষুদ্র থেকে মধ্যম আকারের ব্যবসাসমূহকে আবাসন নির্মাণ ও পুনর্বাসন এবং সেই সাথে আবাসনের সীসার বিপদ হ্রাসের জন্য যোগ্য ঠিকাদারের চাহিদা অতি গুরুত্বপূর্ণ ঘাটতি পূরণ করতে সাহায্য করতে সিরাকিউজ অর্থনৈতিক বিকাশ কর্পোরেশনকে (Syracuse Economic Development Corporation) একটি আবর্তিত ঋণ তহবিল তৈরিতে সাহায্য করার জন্য 5 মিলিয়ন মার্কিন ডলার।
- সিরাকিউজ সিটিতে অর্থনৈতিক বিকাশের সমর্থনে নমনীয় আর্থিক কর্মসূচির (Flexible Finance Program) জন্য 5 মিলিয়ন মার্কিন ডলার।
- সিরাকিউজে বাণিজ্যের শিক্ষানবিশি গঠন সমর্থনে সফল সিরাকিউজ শিক্ষানবিশির জন্য পথ তৈরির কর্মসূচিটি (Syracuse Build Pathways to Apprenticeship program) সম্প্রসারিত করার জন্য এবং কাজে যেতে যানবাহন কর্মসূচিটি (Vehicles to Work program) সম্প্রসারিত করার জন্য 1 মিলিয়ন মার্কিন ডলার।
- সিরাকিউজ সার্জ হাই-টেক ক্যারিয়ার ব্রিজ কর্মসূচি (Syracuse Surge High-Tech Careers Bridge Program) তৈরির জন্য 1 মিলিয়ন মার্কিন ডলার, যা সিরাকিউজের বাসিন্দাদের সেমিকন্ডাক্টর ক্যারিয়ার, eSOL কর্মসূচিসমূহ এবং আধুনিক উৎপাদন ক্যারিয়ারের জন্য দক্ষতার প্রশিক্ষণের সাথে সংযুক্ত করে দিতে সাহায্য করবে।
- ওনশাঙ্গা কমিউনিটি কলেজের জন্য 36 মিলিয়ন মার্কিন ডলার, যার মধ্যে থাকবে:
 - হেলথ স্কুল (School of Health) সম্প্রসারিত করতে 15 মিলিয়ন মার্কিন ডলার।
 - শিক্ষার্থীদেরকে সেমিকন্ডাক্টর ও মাইক্রোইলেকট্রনিক্স শিল্পখাতের জন্য প্রশিক্ষণ প্রদান করতে একটি 5,000 বর্গফুটের ISO ক্লাস 5 এবং 6 ক্লিন রুম নির্মাণের জন্য 5 মিলিয়ন মার্কিন ডলার।
 - ফলিত প্রকৌশল, কারিগরি এবং কর্মীবাহিনীর শিক্ষার কাজে ব্যবহারের জন্য একটি উন্মুক্ত গুদামঘরের জন্য 3 মিলিয়ন মার্কিন ডলার।
 - কয়ন হলের (Coyne Hall) একটি শক্তি রেট্রোফিটের জন্য 2.5 মিলিয়ন মার্কিন ডলার।
 - ক্যাম্পাসজুড়ে একাধিক উন্নয়নকাজের জন্য 10.25 মিলিয়ন মার্কিন ডলার।

- স্টেটের ফেয়ারগ্রাউন্ড রক্ষণাবেক্ষণ ও প্রয়োজনীয় অবকাঠামো উন্নয়নের জন্য 14 মিলিয়ন মার্কিন ডলার।
- সেলকির্ক শোরস স্টেট পার্কের (Selkirk Shores State Park) ক্যাম্পগ্রাউন্ডে দুইটি সম্পূর্ণ নতুন বিশ্রাম স্টেশন নির্মাণ এবং চলাচলের উন্নয়নকাজের জন্য 7 মিলিয়ন মার্কিন ডলার।
- গ্রিন লেকস স্টেট পার্কের (Green Lakes State Park) উন্নয়নের জন্য 5 মিলিয়ন মার্কিন ডলার।

এম্পায়ার স্টেট ডেভেলপমেন্টের (Empire State Development) প্রেসিডেন্ট, প্রধান নির্বাহী কর্মকর্তা ও কমিশনার হোপ নাইট বলেন, "নিউ ইয়র্ক সেমিকন্ডাক্টর শিল্পখাত ও এইসব বিনিয়োগকে আকৃষ্ট করার জন্য অনেকগুলি কৌশলী বিনিয়োগ করেছে যা স্টেটের গ্রিন CHIPS (Green CHIPS) কর্মসূচি এবং ফেডারেল CHIPS ও বিজ্ঞান আইনের (federal CHIPS and Science Act) সাথে মিলিত হয়ে সেমিকন্ডাক্টর শিল্প ইকোসিস্টেম গঠন করার সময়, বিশেষ করে সেন্ট্রাল নিউ ইয়র্কে, অতুলনীয় প্রবৃদ্ধি হতে দিবে। নিউ ইয়র্ক স্টেটে এই অত্যাবশ্যকীয় শিল্পখাত বিকাশে গভর্নর হোকলের প্রতিশ্রুতির জন্য আমি তার প্রশংসা করছি।"

মাইক্রনের বৈশ্বিক কর্মকাণ্ডের নির্বাহী ভাইস প্রেসিডেন্ট মনীশ ভাটিয়া বলেন, "এই প্রকল্পটিকে অগ্রসর করার জন্য মাইক্রনের দল স্থানীয় সম্প্রদায় ও সরকারের অংশীদারদের সাথে একত্রে মাঠপর্যায়ে যেই কাজ করেছে তা নিয়ে আমরা গর্বিত। সেমিকন্ডাক্টর শিল্পখাত এমন সুযোগ তৈরি করেছে যা এই অঞ্চলের রূপান্তর শুরু করে দিচ্ছে। আমরা আত্মবিশ্বাসী যে সেন্ট্রাল নিউ ইয়র্কে শেকড় স্থাপন করা মাইক্রনের জন্য একটি দারুণ সিদ্ধান্ত।"

স্টেটের সিনেটর জন ডব্লিউ. ম্যানিয়ন বলেন, "গ্রিন CHIPS বিধিমালায় অগ্রগতির উপর ভিত্তি করে 100 বিলিয়ন মার্কিন ডলারের মাইক্রন সেমিকন্ডাক্টর উৎপাদন প্রকল্পকে সর্বোচ্চ সফল করতে 50তম সিনেট জেলার প্রয়োজনীয় মানব ও বাস্তব অবকাঠামোতে সঠিক বিনিয়োগ করার জন্য গভর্নরের সাথে সহযোগিতা করা অব্যাহত রাখতে আমি উন্মুখ। প্রশিক্ষণ কর্মসূচিসমূহের মাত্রা বৃদ্ধি করতে এবং সেই সাথে আমাদের K-12 স্কুল, কমিউনিটি কলেজ, এবং চার বছরের ইউনিভার্সিটিগুলি থেকে কর্মীবাহিনীর পাইপলাইনকে সমর্থন করার জন্য আমাদের ব্যাপক স্টেট সংস্থান প্রয়োজন। প্রণীত বাজেটে সেন্ট্রাল নিউ ইয়র্কে আধুনিক উৎপাদন এবং এটি স্টেটে যেই হাজার হাজার চাকরি নিয়ে আসবে তার জন্য অত্যাবশ্যকীয় স্টেট তহবিল যোগ করতে আমি গভর্নর এবং আইনসভায় আমার সহকর্মীদের সাথে কাজ করতে প্রতিশ্রুতিবদ্ধ।"

স্টেটের সিনেটর র্যাচেল মে বলেন, "যেহেতু মাইক্রন সেন্ট্রাল নিউ ইয়র্কে একটি দেশের শীর্ষস্থানীয় সেমিকন্ডাক্টর কারখানা গঠন করতে এবং হাজার হাজার কর্মীকে নিয়োগ দেওয়ার জন্য প্রস্তুত হচ্ছে, তাই এলাকাটিকে সাশ্রয়ী ও মানসম্পন্ন আবাসন দ্বারা প্রস্তুত করা এবং সেই সাথে অঞ্চলটির বাসিন্দাদের জন্য একটি ভালো প্রতিবেশী হয়ে উঠা নিশ্চিত করতে কোম্পানিটিকে প্রয়োজনীয় ব্যবস্থা প্রদান করা আমাদের জন্য অতি গুরুত্বপূর্ণ। মাইক্রনের বিকাশের সাফল্য নিশ্চিত করতে এই ব্যাপারগুলির সমাধানে এই বছরের বাজেটে তহবিল যোগ করার জন্য গভর্নর হোকলকে ধন্যবাদ।"

সিরাকিউজের মেয়র বেন ওয়ালশ বলেন, "গভর্নর হোকলের দৃঢ় অংশীদারিত্ব নিয়ে সিরাকিউজ প্রবৃদ্ধির এমন একটি সময়ে প্রবেশ করতে যাচ্ছে যা প্রায় এক শতকে দেখা যায়নি। আবাসন, ক্ষুদ্র ব্যবসার বিকাশ ও চাকরির জন্য প্রস্তুতকরণের জন্য আজকে গভর্নর হোকলের নির্বাহী বাজেটে ঘোষিত তহবিলের আমরা প্রশংসা করছি। এইসব খাতে বিনিয়োগ দ্বারা আমরা সিরাকিউজ ও সেন্ট্রাল নিউ ইয়র্কের বিকাশকে টেকসই করা এবং সকলের জন্য সুযোগ তৈরি করা নিশ্চিত করতে আমাদের প্রয়াসকে বিস্তৃত করতে পারবো।"

GO SEMI এবং নিউ ইয়র্কের বিকাশমান সেমিকন্ডাক্টর শিল্পখাত

গভর্নর হোকল এছাড়াও 2023 স্টেট অফ দ্য স্টেটের ভাষণের অংশ হিসেবে GO SEMI এর জন্য 45 মিলিয়ন মার্কিন ডলার ঘোষণা করেছেন, যা হলো নিউ ইয়র্কের ওনভাগা কাউন্টিতে অবস্থিত ক্লোতে বিশ্বের সর্ববৃহৎ মেমোরি উৎপাদন কারখানা গঠনে মাইক্রনের 100 বিলিয়ন মার্কিন ডলার বিনিয়োগ করার ঐতিহাসিক ঘোষণার অনুবর্তী। বিনিয়োগটি সেন্ট্রাল নিউ ইয়র্ক অঞ্চলে আনুমানিক 50,000টি প্রজন টি চাকরি আনবে এবং এটি সম্ভব হয়েছে ফেডারেল CHIPS এবং বিজ্ঞান আইন ও 2022 সালে গভর্নরের স্বাক্ষর করা নিউ ইয়র্কের গ্রিন CHIPS বিধিমালার কারণে। নতুন অফিসের নেতৃত্ব দিবে এম্পায়ার স্টেট ডেভেলপমেন্ট এবং এখানে কাজ করবে স্টেট বিভাগ (Department of State), নিউ ইয়র্ক স্টেটের শক্তি গবেষণা ও বিকাশ কর্তৃপক্ষ (New York State Energy Research and Development Authority, NYSEDA), শ্রম বিভাগ (Department of Labor, DOL), পরিবহন বিভাগ (Department of Transportation, DOT), পরিবেশ সংরক্ষণ বিভাগ (Department of Environmental Conservation, DEC), NY CREATES, নিউ ইয়র্ক বিদ্যুৎ কর্তৃপক্ষ, হোমস এবং কমিউনিটি রিনিউয়াল অফিস (Office of Homes and Community Renewal, HCR) এবং নিউ ইয়র্ক স্টেট ইউনিভার্সিটির (State University of New York, SUNY) বিশেষজ্ঞরা।

GO SEMI মাইক্রন প্রকল্প বাস্তবায়নের প্রয়াসের নেতৃত্ব দিবে এবং এটিকে কেন্দ্রীভূত করবে; সেমিকন্ডাক্টর শিল্পখাত ও এর সরবরাহ চেইনকে আকৃষ্ট করতে পলিসি অগ্রসর করবে; কর্মীবাহিনীর বিকাশ এবং সম্প্রদায়ে বিনিয়োগের ক্ষেত্রে স্থানীয়, স্টেট, ফেডারেল ও বেসরকারি অংশীদারদের মধ্যে সমন্বয় করবে; প্রয়োজনীয় উচ্চ দক্ষতার কর্মীবাহিনী তৈরি, আকৃষ্ট ও ধরে রাখার প্রচেষ্টার নেতৃত্ব দিবে; এবং স্মার্ট প্রবৃদ্ধি পলিসির লক্ষ্য সমন্বিত বিকাশ সমর্থন করবে।

মাইক্রনের ঘোষণার অল্প কিছুদিন পরই গভর্নর হোকল ঘোষণা করেন যে সেমিকন্ডাক্টর শিল্পখাতে ভ্যাকুয়াম এবং অ্যাবেটমেন্ট সরঞ্জাম তৈরিতে বিশ্বের শীর্ষস্থানীয় একটি ব্রিটিশ ভিত্তিক কোম্পানি এডওয়ার্ডস ভ্যাকুয়াম (Edwards Vacuum), জিনেসি কাউন্টিতে অবস্থিত ওয়েস্টার্ন নিউ ইয়র্ক বিজ্ঞান ও প্রযুক্তির আধুনিক উৎপাদন পার্কে (Western New York Science & Technology Advanced Manufacturing Park, STAMP) একটি নতুন 319 মিলিয়ন মার্কিন ডলারের মার্কিন ড্রাই পাম্প উৎপাদন কারখানা নির্মাণ করবে, যা 600টি পর্যন্ত চাকরি তৈরি করবে। মাইক্রন এবং এডওয়ার্ডস ভ্যাকুয়ামের সাথে হওয়া চুক্তিসমূহ আধুনিক উৎপাদন কেন্দ্র ও একবিংশ শতাব্দীর চাকরির ভূমি হিসেবে নিউ ইয়র্কের অবস্থানকে পাকাপোক্ত করতে সাহায্য করবে।

আরো সংবাদ পাওয়া যাবে এখানে www.governor.ny.gov-এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418